

ՆԱՀԱՊԵՏՅԱՆ ՀԱՅԿԱՐԱՄ
(ՀՀՀ)

ԱՂԻՔԵԶԱՆԱԿԱՆ ԼՈՐՔԻՆԳԻ ԱԿՏԻՎԱՑՄԱՆ ՄԻՏՈՒՄՆԵՐԸ

Արտասահմանի աղդրեջանական համայնքների ինքնակազմակերպման, հասարակական տարբեր կառույցների ի հայտ գալու, լոբբինգի ձևավորման փորձերը միջազգային գիտական կամ ռազմավարական ուսումնասիրություններ կատարող մասնագետների կողմից առայժմ քիչ են ուսումնասիրված: Որպես դրա օբյեկտիվ պատճառներ կարող են նշվել աղդրեջանագիտության ոչ այնքան զարգացած լինելը, բուն աղդրեջանական լոբբինգի նորագույն իրողություն լինելը և այլն: Որպես եզակի բացառություններ կարող են նշվել մոսկովյան «Դիասպորի» անկախ գիտական հանդեսում ՌԴ և Վրաստանի աղդրեջանական համայնքների վերաբերյալ հոդվածների հրապարակումը¹: Այսպիսով, նշված թեմայով ուսումնասիրություն պատրաստելիս պետք է առավելապես հիմնվել աղդրեջանական և միջազգային լրատվամիջոցներում թեմայի շուրջ առկա տեղեկատվական նյութերի և վերլուծական անդրադարձների վրա:

Հայկական կողմի համար աղդրեջանական «դիասպորաների» ինքնակազմակերպման գործընթացը հետաքրքրական է առաջին հերթին ռազմավարական շահերի դիտանկյունից, քանի որ Բաքվի լոբբիստական աշխատանքը կրում է հակահայկական ուղղվածություն: Ավելին, աղդրեջանական «սփյուռքի» ձևավորման պատճառներից մեկը հենց հայկական սփյուռքին դիմակայելու գերխնդիրն էր: Մասնավորապես «աղդրեջանական սփյուռքի» հետ աշխատանքների կազմակերպման համար հիմնված Արտասահմանում բնակվող աղդրեջանների հետ աշխատանքային պետական կոմիտեի նախագահ Նազիմ Իբրահիմովի խոսքով «իրենց գերատեսչության հիմնադրման առաջնահերթ նպատակներից մեկը հայկական սփյուռքին հակազդելն էր»²:

Աղդրեջանական լոբբինգի ակտիվացման խնդիրն առավել ծավալուն ուսումնասիրության առարկա կարող է հանդիսանալ, ըստ այդմ, նշված անդրադարձի մեջ ներկայացնենք մի քանի տիպական օրինակներ:

Աղդրեջանն ԱՊՀ տարածքում երրորդ պետությունն էր, որի շահերի պաշտպանության համար Միացյալ Նահանգների Կոնգրեսում ձեռնարկվեց հանձնախումբ: Մինչև այդ ԱՄՆ օրենսդիրում գործում էին հայկական և ուկրաինական հարցերով հանձնախմբեր:

2004թ. մարտի 25-ին Աղդրեջանի պաշտպանության մախարար Սաֆար Աբիևի ԱՄՆ այցի օրերին Կոնգրեսում գրանցվեց Աղդրեջանի հարցերով հանձնախումբը, որը կոչվում էր «Աղդրեջանի բարեկամների խումբ»³: Համանախագահներն էին դեմոկրատական կուսակցությունից Մոլոմոն Օրտիսը (Տեխաս) և հանրապետական Կուրտ Ուելդոնը (Փենսիլվանիա): 2007թ. մայիսին Կուրտ Ուելդենին փոխարինեց Բիլ Շաստերը (հանրապետական, Փասադենա): Գրանցման պահին խմբակցությունն ուներ 8 անդամ: Այնուհետև, կառույցի անդամների թվի աճն ունեցավ հետևյալ պատկերը. 2006թ. հունիսին՝ 17⁴, 2007թ. մարտին՝ 18, հուլիսին՝ 20, հոկտեմբերին՝ 24, նոյեմբերին՝ 26⁵: 2008թ. փետրվարի սկզբին «Աղդրեջանի բարեկամների» թիվն էր 31⁶, այնուհետև Ռենդի Քուլի, Շելի Մուր Կապիտոյի եւ Հորվարդ Գորլի խմբին միանալով՝ 34, մարտին՝ Թելմա Դրեյկ (հանրապետական Վիրջինիա), Պիտ Սեշընս (հանրապետական, Տեխաս), Էդուինոս Թաունս (դեմոկրատ՝ Նյու Յորք) 37⁷, ապրիլին՝ Նիկ Ռահալ (դեմոկրատ, Վիրջինիա), Ջո Բարթոն (հանրապետական, Տեխաս) և Գրենսհեմ Բերրեթ (հանրապետական, Հարավային Կարոլինա)՝ 40⁸:

Այսպիսով 2007թ. նոյեմբերից 2008թ. ապրիլն ընկած ժամանակահատվածում Աղդրեջանի հետ բարեկամացել են 14 կոնգրեսական: Հայկական հանձնախմբի անդամների ցուցանիշն այդ ընթացքում 155-ից դարձել է 156:

Նշենք, որ Նյու Յորքից դեմոկրատ Ռենդի Քուլն ավելի վաղ հանդիսացել էր Մեծ Եղեռնի օրինագծի հաստատման աջակիցներից, ապա հետ է կանչել իր ստորագրությունը եւ դարձել «Աղդրեջանի բարեկամ»: «Կոնգրեսմենը միացավ հանձնախմբին այն բանից հետո, երբ Առլոմոն Օրտիսը և Բիլ Շոստերը մամակով դիմեցին իրեն խմբին անդամակցելու առաջարկով», նշված էր Աղդրեջանի ԱԳ մախարարության հայտարարության մեջ: Հանձնախմբի անդամների աճի թեմայով Աղդրեջանի արտաքին գերատեսչությունը պարբերաբար հանդես է գալիս հաղորդագրություններով:

Միացյալ Նահանգներում ադրբեջանական լոբբինգի ծավալման պարագայում կարելի էր նաև նախագահական ընտրություններում ադրբեջանական համայնքի ակտիվանալու, համայնքային քվեն ընտրություններում փոքրիշատե ազդեցիկ գործունի վերածելու փորձերը: 2004թ. Բաքուի առաջին անգամ փորձ արեց ադրբեջանական համայնքը ներգրավել ընտրական գործընթացում: Ջորջ Բուշ - Ջոն Բերի մրցակցության մեջ ադրբեջանական համայնքը կողմնորոշվեց դեպի Բուշը: Պատճառը՝ հստակ էր. դեմոկրատ Բերին նախընտրական փուլում դրսևորում էր ընդգծված հայանպաստ մոտեցումներ: Ադրբեջանական մամուլում նույնիսկ հրապարակում եղավ առ այն, որ Բերին առաջարկում էր «Ադրբեջանին զցել ավտորուսի տակ, իրաքյան պատերազմում ԱՄՆ-ին ոչ բավարար աջակցելու համար»⁹: Այս մասին որեւէ հրապարակում ԱՄՆ մամուլում կամ Ջոնի Բերիի կայքում չի հանդիպել և ակնհայտ խոսքն ադրբեջանական հերթական ապատեղեկատվական աշխատանքի մասին էր: 2004թ. նոյեմբերի 3-ի ընտրություններից կարճ ժամանակ առաջ գործարկվեց «Ադրբեջանը հանուն Բուշի»՝ www.azerbaijanforbush.com կայքը¹⁰: «Իր դիրքորոշումը ադրբեջանական համայնքը հիմնավորում է այն իրողությամբ, որ նախագահ Բուշն աջակցում է Ադրբեջանին, Սպիտակ տունը ընդունում է, որ Ադրբեջանը սատարում է Միացյալ Նահանգներին ահաբեկչության դեմ պայքարում», - նշված էր այս թեմայով ռուսաստանյան կայքի վերլուծականում¹¹:

Ժամանակի սղության և փորձառության պակասի պատճառով կայքը և համապատասխանաբար Միացյալ Նահանգներում բնակվող ազերիները չկարողացան բավարար աշխատանք կատարել: 2008թ. ընտրություններում պատկերը որակապես տարբերվում է: Դեռևս «փրայմերիզների» շրջանում, երբ զույգ կուսակցություններում վիճարկվում էր նախագահի թեկնածուի հարցը, ԱՄՆ ադրբեջանական համայնքը կողմնորոշվեց դեպի հանրապետական Ջոն ՄեկՔեյնը:

Որպես դրա պատճառներ նշվում էին վերջինիս այցն Ադրբեջան, Ցեղասպանության հիմնախնդրում պասիվ դիրքորոշումը դեմոկրատ թեկնածուներ Բարաք Օբամայի և Հիլըրի Դիմտոնի համեմատությամբ: Նաև ընդունված տեսակետ է, թե հանրապետական կուսակցությունն ավանդաբար առավել կողմնորոշված է դեպի Թուրքիան: «Ադրբեջանական համայնքի համար առավել նախընտրելի թեկնածու էր

Ջոն Մըկքեյնը, իսկ հայկական կողմի համար համապատասխանաբար Բարակ Օբաման: Այս ֆոնին Հիլլրի Քլինտոնին աջակցելու հարցը նահանջեց հետին պլան», նշում է Լոս Անջելեսում Ադրբեջանի հյուպատոս Էլին Սուլեյմանովը¹²: Այսքանով համոզե՞րձ, հյուպատոսի խոսքով, ԱՄՆ ադրբեջանական համայնքի սահմանափակ թվով ակտիվիստներ սատարում են Հիլլրի Քլինտոնին:

Ադրբեջանական լոբբինգի ակտիվացման աշխատանքի տեսանկյունից տիպական կարող է համարվել նաև Նիդերլանդների Հաագա քաղաքում 2008թ. փետրվարի 24-ին «Խոջալիի ցեղասպանության» զոհերի հուշարձանի տեղադրումը¹³: Սա Թուրքիայից և Ադրբեջանից դուրս առաջին հակահայկական հուշարձանն է: Ավելին, փաստացի մինչև օրս արտասահմանյան երկրներում տեղադրվել են Մեծ Եղեռնի զոհերի հուշարձաններ և թուրք-ադրբեջանական կողմը այս դեպքերում գտնվել է պաշտպանվողի դիրքում: Այժմ Բաքուն ձգտում է փոխել ստատուս քվոն:

Բացման արարողությանը ներկա էին Ադրբեջանի եւ Թուրքիայի դեսպանատների աշխատակիցները, թեման լայնորեն լուսաբանվել է թուրք-ադրբեջանական ՋԼՄ-ներում: Հուշարձանի տեղադրման աշխատանքները ստանձնել էր Նիդերլանդների ադրբեջանական միությունը, որի ղեկավար Իլհան Աշքընը ծնունդով Թուրքիայից է, Իզդիրի տարածաշրջանից: Հուշարձանի բացումը նաև երևակեց թուրք-ադրբեջանական համայնքային միությունների աստիճաբանական մերձեցման խնդիրը, որը կարևոր գործոն է թվում հակահայկական լոբբինգի հնարավոր հեռանկարները և միտումները պատկերացնելու դիտանկյունից:

2008թ. ապրիլին Արտասահմանում բնակվող ադրբեջանցիների հետ աշխատանքային կոմիտեի նախագահ Նազիմ Իբրահիմովը Աշքընին պարզատրեց «Գորբուստան» մեղալով: 2007թ. հաստատված «Գորբուստան» մեղալը տրվում է այն անձանց կամ կառույցներին, որոնք մեծ ներդրում են ունենում ադրբեջանական սփյուռքի ձեւավորման, ամրապնդման, քարոզչական աշխատանքների գործում¹⁴:

Որպես ադրբեջանական լոբբինգի ակտիվացման տիպական օրինակ տեղին է ներկայացնել նաև Իսրայելի Ջենեստում Հայոց ցեղասպանության հարցի առաջաշման շուրջ ձևավորված վիճակը: Ադրբեջանական մամուլում զգալի թիվ կազմեցին օրինագիծը

վատաբանելու, հակազդելու հրապարակումները. ծավալվեց քարոզչական աշխատանք: Բաքուն փորձեց աշխատել նաև Իսրայելի ադրբեջանական համայնքի հետ: Իսրայելի ադրբեջանցիների Կոնգրեսի ղեկավար Ալեքս Շապիրո-Սուլիմանը հայտարարեց, թե «պատմական հարցերի ուսումնասիրման պարագայում պարզ կդառնա, որ առաջին աշխարհամարտի ընթացքում ոչ թե հայերն են ենթարկվել ցեղասպանության, այլ թուրքերն ու ադրբեջանցիներն են ենթարկվել հայերի ցեղասպանությանը»¹⁵: Անհասկանալի է, թե ինչպես կարող էին հայերը ցեղասպանության ենթարկել թուրքերին Օսմանյան կայսրության համընդհանուր հայաթափման պայմաններում: Ադրբեջանական Կոնգրեսը դիմեց Իսրայելի նախագահ Շիմոն Պերեսին, օրենսդիր և գործադիր իշխանություններին, իրենց բնորոշմամբ, «այս հարցում արդար դիրքորոշում դրսևորելու կոչով»: Իսրայելում գործող «Ադրբեջան - Իսրայել» միության նախագահ, խորհրդարանական Իոսի Շագալն օրենսդիրում ակտիվ աշխատանք ծավալեց օրինագծի հաստատումը խափանելու նպատակով¹⁶:

Ուշագրավ է Քենեսեթի Իսրայել-Հայաստան բարեկամության խմբի նախագահ Ջեն Էլքինի հայտարարությունը, որ օրինագիծն առաջադրած պատգամավորները «մեծ ճնշում են զգում ԱԳՆ-ի և թուրքական լոբբիի կողմից, որին միացել է նաև ադրբեջանականը»: «Պետք է ընդգծել, որ նրանք բավական օպերատիվ կերպով արձագանքեցին, ինչը, ցավոք, չեմ կարող ասել Հայաստանի և հայկական սփյուռքի մասին», - հայտարարել է Էլկինը¹⁷: Քենեսեթում Հայոց ցեղասպանության հարցի քննարկումները եւս ի ցույց են դրեցին թուրք-ադրբեջանական լոբբիստական աշխատանքները մեկտեղելու միտումը:

Ներկայացվեցին ադրբեջանական լոբբինգի ակտիվացման մի քանի տիպական օրինակներ Միացյալ Նահանգներում, Եվրոպայում և Մերձավոր Արեւելքում: Վերընշված, ինչպես նաև այլ փաստերի համադրումը վկայում է, որ Բաքուն շարունակելու է աշխատանքը համայնքների կազմակերպման ուղղությամբ եւ այս աշխատանքը կրելու է ընդգծված հակահայկական ուղղվածություն:

**HAYKARAM NAHAPETYAN
(PTCA)
THE TENDENCIES OF THE ACTIVIZATION OF AZERI LOBBY**

Azerbaijan turned to be the third state in former USSR to organize Caucus in US Congress. Currently there are 40 congressmen in Azerbaijani Caucus, while Armenian Caucus consists of 156 Congressman. While Azerbaijani Diasporas lobbying activities in US are far below the level Armenian side performs, the intentions and processes are noteworthy. At the same time, in February 2008 first anti-Armenian monument dedicated to "Khojaly Genocide" was unveiled in Haaguc thanks to activities of Azerbaijani as well as Turkish organizations of Netherlands. Azerbaijani lobbying activities in Near East, Russia and Ukraine are interesting as well. As Azerbaijani authority declared: one of the purposes of Azerbaijani lobby is to counter Armenian Diaspora.

ՀԱՆՐԱՊԵՏՈՒԹՅԱՆ ԴԻՄԻՏՐՈՍՈՒՄՆԵՐ

1. "Азербайджанцы в Грузии: этнические границы в постмногонациональную эпоху", Румянцев С., "Дiasпоры", М., 2007 N 1 – 2, "Азербайджанцы в России – Смена имиджа и социальных ролей", Ариф Юнусов, "Дiasпоры", 2005 N 3.
2. "Ибрагимов Н.: - Созданию азербайджанского лобби стоит дорого", Э. Фахрдиноглу, "Эхо".
3. "Американские конгрессмены прибыли в Баку", www.echo-az.com, 27.05.2004.
4. "American Turkish Association Assambley Needs Azerbaijan Support for not loosing Armenians", 27.06.2006, www.ans.az
5. "Демократ из Алабамы вошел в рабочую группу Конгресса США по Азербайджану", "Zerkalo", 09.11.2007
6. "Рабочая группа по Азербайджану пополнилась еще двумя конгрессменами США", www.day.az, 09.02.2008.
7. "Еще два республиканца стали членами рабочей группы по Азербайджану " 03.03.2008 "Еще один конгрессмен стал членом Конгресса США по Азербайджану", 17.03.2008, www.day.az,
8. "Число конгрессменов в рабочей группе по Азербайджану достигло 40", www.day.az, 07.04.2008.
9. "В Баку паника. Живущий на грязных улицах армянских террористов Дж. Керри общал бросить Азербайджан под автобус", 12.10.2004, <http://www.centrasia.ru/newsA.php?st=1097560440>
10. То же <http://www.asbarez.com/> 10.28.2004.
11. http://www.rol.ru/news/misc/newssng/04/11/02_007.htm
12. Сулейманов Э.: "Если для азербайджанской диаспоры наиболее предпочтительным кандидатом выглядит Маккейн Д., то для армянской – соответственно Барак Обама", www.day.az, 07.02.2008.
13. 13 <http://www.azeriunited.com/content/blogcategory/21/52/lang,english/>
14. "Открыты памятники жертвам Ходжали в Гааге – это большая победа", www.zerkalo.az, 10.04.2008.
15. "Израиль не признает Геноцид армян", www.echo-az.com, 30.03.2008.
16. Спивак Л.: «За обсуждением закона о «геноциде армян» в израильском Консультативном собрании дружно голосовали все депутаты от арабских партий (мусульмане)», www.day.az, 11.04.2008.
17. «Զենե Էլկին. թուրքերն, ի տարբերություն հայերի, օպերատիվ կերպով արձագանքեցին Հենեստոմ ցեղասպանության քննարկմանը», www.osanarmenian.net 10.04.2008.